

見其始涓々焉而乃用太僕少卿張萬歲領群牧自貞觀至麟德四十年間馬息七十萬六千可見其終洋々焉故昔人有言汧渭之間未嘗無牧而非子獨能蕃息於周汧隴之間未嘗無牧而張萬歲獨能蕃息於唐此得人之效也今總房群牧之地比秦汧渺則不足較魯野區々則有餘大夫果有非子萬歲之才邪倍蓰什佰之息吾有望於他日焉若夫克史張說之頌余雖無似敢辭其貴哉

〔奧羽觀蹟聞老志唐三廩貢土產〕奧牧

夫牧之爲言養也育也飼也畜也周禮所謂校人掌王馬之政又牧師孟春焚牧地以除陳生新草卜式所謂牧惡者輒去毋令敗群者是也然我邦俗郡馬自然產于原野之地謂之牧尾駁荒野奧牧等或安ダタラ太多良安達糟部之地皆古昔出馬焉如今生馬之地絕無唯相馬領原町驛西有間曠之地稱世峯ウノモリ古來產馬仍年々有驅牧之設聞之鄉俗國守相馬侯隔年閱之以擬觀兵事其制夏五月中旬以申日卜驅馳時皆是所以閱武觀兵之遺法也前日黎明巨家高族服半臂帶兵器而進備槍弓銃而步兵盡隊行前驅此時國守整行出于原町驛家臣扈從各立旗旄建器械就營而宿至申刻而國守出於驛亭巡閱定原上之屯營然後還旅館明日爽快家臣戎衣各停馬群乎營中而待國守出駕早旦國守經行復閱於營地於是放並銃先是措假屋于世峯設帷幕于山椒構國守憩息地仍國守率諸卒而入於此然後脫兜鍪解鎖手是乃欲單身而捷行也豫立旗設表自山下至海濱各隔一步列卒圍繞而衛之自是諸士擊鉦鳴鼓皆有節制而入于林藪分合進退各驅牧馬於曠野追隊隨行漸次集並于妙見社前明日早旦各朝服閱之捕馬者六七十人揚鯨波而追之其式各有差是古例之大略也唯牧馬之遺事其存者此一舉而已

停牧

〔續日本紀元七〕靈龜二年二月己酉令攝津國罷大隅媛島二牧聽百姓佃食之

〔日本後紀桓武〕延曆十八年七月庚午停大和國宇陀肥伊牧以接民居損田園也

〔日本後紀平城〕大同三年七月甲申廢攝津國河邊郡畝野牧爲牧馬逸出損害民稼